

**Akileraarutitigut ilanngaattissat il.il.**

Ilanngaatit ataasiakkaat kommuninullu ataatsimut akileraarut, taakku pillugit siunertarineqartut sunniutigisassaallu kiisalu ukiut siuliini angissusilerneqartarnerisa naatsumik allaaserineqarnerat.

**1. Inummut ilanngaat - § 67, imm. 1.**

Inummut ilanngaat akileraarutissat naatsorsorneqarneranni ilanngaatigineqartussaavoq, tassani siunertaavoq aningaasarsiat (aningaasarsiat akileraaruteqaataasussat) inummut ilanngaammit annerusut kisimik akileraaruserneqarnissaat.

Inummut ilanngaat ukiuni 1975-imit 1986-imut 20.000 kr.-nut aangissusilerneqarsimavoq, 1987-imit (akileraarusersuineramik aaqqissuusseqqinneq) 1991-imut 35.000 kr.-nut, 1992-imit (akileraarusersuineramik allannguineq) 2004-mut 40.000 kr.-nut aamma 2005-imit (akileraarusersuineramik aaqqissuusseqqinneq) 2019-imut 48.000 kr.-nut angissusilerneqarsimalluni.

**2. Ilanngaat aalajangersimasoq - § 21, imm. 2.**

Ilanngaat aalajangersimasoq akileraaruserneqartarneranni ilanngaataavoq, taanna "ilanngaativissanut" ilanngaammit aalajangersimasumit annerunngitsunut taarsiullugu ilanngaatigineqartarpoq.

Ilanngaat aalajangersimasoq ukiuni 1975-imit 1989-imut 4.000 kr.-nut angissusilerneqarsimavoq, 1990-imit 1998-imut 6.000 kr.-nut, 1999-imit 2004-mut 8.000 kr.-nut aamma 2005-imit (akileraarusersuineramik aaqqissuusseqqinneq) 2019-imut 10.000 kr.-nut angissusilerneqarsimalluni.

**3. Aningaasarsiat B-t akileraaruteqaataasussaannngitsut - § 20, imm. 2.**

Akileraaruteqaataasussaannngitsut pineqartillugit siunertaavoq aningaasarsiat B-t taamaallaat akileraarusersorneqartassasut aatsaat aningaasarsiat akileraaruteqaataasussaannngitsut sinnerlugit isertitaqarsimagaanni. Aningaasarsiat akileraaruteqaataasussaannngitsut aalisarnermit, piniarnermit, aallaaniarnermit, savaateqarnermit tuttuuteqarnermillu, eqqumiitsuliornermit sanalunnermillu tunisassianik tunisaqarnermi aamma atuupput. Aalisarnermit, piniarnermit aallaaniarnermit savaateqarnermillu tunisassianik Kalaallit Nunaanni tunisassiorfinnut tunisinermi isertitat, selskabit, peqatigiiffiit assigisaasaluunniit tunisarinngippatigut, aningaasarsiatut A-tut naatsorsuunneqassapput.

Aningaasarsiat B-t akileraaruteqaataasussaannngitsut ukiuni 1975-imit 1992-imut 4.000 kr.-nut aamma 1993-imit 2019-imut 5.000 kr.-nut angissusilerneqarsimapput.

**4. Sulisartunut killilimmik akileraartussaataasunut ilanngaat aalajangersimasoq - § 2, imm. 2.**

Ilanngaatit aalajangersimasut akileraarusiinermi ilanngaataapput, taakku "ilanngaativissanut" tamarmiusunut taarsiullugit sulisartunut killilimmik akileraartussaataitaasunut ilanngaatigineqartarput.

Ilanngaatit aalajangersimasut ukiuni 1975-imit 2019-imut 1.000 kr.-nut angissusiligaapput.

#### **5. Kommunitut ataatsimut akileraarut - § 63, imm. 2.**

Kommunitut ataatsimut akileraarut akileraarutaavoq immikkut ittoq, siunertaalluni inummut ilanngaatip annertuumik qaffannerata (1987-imi 20.000 kr.-nit 35.000 kr.-nut, 1992-imi 40.000 kr.-nut aamma 2005-imi 48.000 kr.-nut) kingunerisaanik kommunit isertitamikkut annaasaannut matussutaanissaat. Kommunitut ataatsimut akileraarummit iluanaarutit tarmiuullutik akileraarutitigut naligiissaarilluni aaqqissuussamut ilaatinneqarput – inummut ilanngaatip qaffanneqarneratigut kommunit iluanaarutissaraluanit annaasaat akileraarutitigut naligiissaarilluni aaqqissuussa qaqutigalugu kommunitut taamaalillutik utertinneqartartut.

Akileraarutip procentia 1987-imit atuutilersinneqartoq 1987-imit 1991-imut 3 %-imut angissusilerneqarsimavoq, 1992-imit 2004-mut 4 %-imut aamma 2005-imit 2019-imut 6 %-imut angissusilerneqarsimalluni .